



ОРГАН ЛЕМКОВСКОГО СОЮЗА.

Выходит в четверг около 15-того и 30-того каждого місяця.

Редакция и администрация в Крыници. — Адрес: „Лемко“ Крыница.

Пренумерата в краю:

30 грошей місячно,
1·50 зол. полрочно,
3 зл. рочно.В Америці: 50 центов полрочно.
1 \$ рочно.

В Чехословакии:

2 кор. місячно, 9 кор. полрочно,
18 кор. рочно.

Що нам грозит?!

Кризис світовий затяжыл на Польщі, яко на новой державі особливо тяжко, а на наших селах прешол уж в крайну нужду — не позволят нам звертати увагы на другы явленя и проблемы жытя сельского, котры для будучности села представляют большу опасность, як послідства кризису господарчого.

Маме ту на мысли условия просвітительны и культуральны нашого села, котры по застановленю над положыньом могут непокоити публично мніне. — Вистарчыт подивитися на тоты массы молодой народной интеллигенции, котра по уконченю школы сидит дома и жде, сама не знае на што. Сидит дома и веде незавидне, горке полне згрызот и униженя жытя. Помоч их в дому никому непотребна, бо господарства нашы роздроблены, малы и ест без них кому обробити. Зрештом отец давал нераз остатне на сына длятого, жебы уж мати єдного сплаченого з господарства и часто рахувал аж и на помоч от него. До школы нашы люде послали свои діти, бо они розуміли потребу самой науки — котра обезпечала их дітям ліпше жытя, а также и длятого, штобы не роздрабяти господарств, бо такой сын котрый завдячал своим родичам свою позицию не лем, што не мал претензии до грунту, але часто ишы помагал подстарілым родичам и цілой родині. Родина, з котрой вышол оден або и больше интеллигентов уважала то-то собі за чест и была предметом зависти часто пожиточной, бо понукувала других до посыланя своих дітей до школы.

Такой интеллигент ставался для своей родины а часто и для цілого села осередком просвіты и культуры. Люде вірили такому интеллигентови, бо уважали го за своего и видиме, же тоты села, котры выдали много трудовой, хлопской интеллигенции стоят под вглядом национального освідомленя, культурно и тосподарчо выше от сел — де такой интеллигенции не было. Нич дивного, же многы села — видячы тоты користи послали масово свои діти до школы. Красный примір того маме на Чертежі, коло Сянока де нараз на вакации приїзджало 40—50 студентов — хлопских сынов.

Тепер ест инакше и дуже гирше. Звязь зо селом зо стороны старшой интеллигенции перервалася — повіджме отверто — по поводу біды. Интеллигенция днеска не може помочи своей родині, бо сама бореся з нуждом. Перервалися выїзды до родинного села в часі

вакации и свят. А тота молода — рідка зрештом интеллигенция, котра сидит на селі з мусу, з браку роботы. ест трагедийом для себе и для села. Тота интеллигенция ест духово пригноблена, розжалена до родного краю, стаея неспособна до общественной инициативы и не може быти мотором и предводителем, бо по причині нерідкой нужды материальной стаея предметом насмішок а в найліпшем случаю сожаліня.

Страшно обниженный житъовый уровень старшого поколіня народной трудовой интеллигенции. занимающей урядовы позиции по містах и тота армия молодой интеллигенции — котру на порозі жытя зопхано на дно — и котра днеска приходит до переконаня, же непотребно учылася — бо ест для краю тягаром — тоты явленя — стаются причыном, же давнійша охота у наших людей посылати свои діти до школы ослабла.

— Не вартат діти посылати до школы — кричыт наше село. Недавно, як так село крикнуло — а уж видиме планны результаты. Пред войном в наших бурсах в Горлицях и в Новом Санчі чысло дітей учащихся доходило до 60. Тепер в Санчі ніт цілком бурсы а в Горлицях не осягат ани половины того чысла.

Одпльв найспособнійшой нашой молодежи зо села до міста — котрый пред войном безпрерывно пополнял ряды нашой трудовой интеллигенции змаліл по войні сильно. Причыняются до того и то в дужой мірі *высоки оплаты школьны*, котры сут незрозумілы, если береме под увагу, же конституция нашой державы повідат, што наука має быти бесплатна.

Корчытся просвіщене и на терені школы народной, В многих селах школы большеклясовы перемінили школьны власти на школы одно клясовы, што має для наших сел велику вагу, бо по укончыню 1-дно клас. школы — не можна быти принятым ани до торговлі, ани до ремесла.

З тых пару слов видно, же нашим селам грозит опасность больша як от господарчого кризиса, бо коли скончытся кризис господарчий, то зараз увидиме дым над фабричными коминами, счезне або зменшытся чысло безработных и поверне скоро добробыт. Але идеальны добра, як наука, культура и просвіта мают иншу биологию (науку о правах жытя). Они повстают поволі, треба обходитися з ними осторожно, бо коли они впадут, трудно и нескоро можна их оживити.

Длятого тыж тоты хлопы, котрых діти

учатся добрі, нехай не зражаются тым, же тепер трудно достати даяку посаду по укончыню школ — так все не буде — але нехай посылают их на дальшу науку, и то дораз, бо потреба нашой трудовой интеллигенции ест нагла. Потребуеме своих священников и то таких, котры выхоят з нашого народа — бо віриме, же лем такы будут о нас старатися — потребуеме и своих учителей — потреба нам и другой интеллигенции. Тому, кто лем може, най бере світло науки — бо без науки — мы пропадеме. Бідным Лемковскый Союз буде помагати по можности, длятого тыж уж тепер треба думати о том, штобы по вакациях нашы бурсы были заполнены и штобы в часі вакации розвеселяли нашы села школьны мундуркы нашой молодежи.

Як зарадити хвороті свиней.

У нас люде ховают дуже свиней, бо знають, же ишы найскорше можна дашто на том приховати. Але в остатних часах великы шкоды поносят газдове бо часто свині хворіют и гынут. — Штобы тых страт не было, треба послухати таких рад:

Не трудно познати, коли свиня ест нездорова. Тратит она охоту до жертя, не іст, а скорше пє. Не зрывается, коли заглядаме до кутця — и не домагатыся квиком ілла. Найчастійше лежыт в куті, загребана в соломі. — Коли положыме руку на ей хырбеті, то чуеме, же хырбет ест горячий, а ухо зимне. Коли присмотримея ближе такой свині, то увидиме на ей скорі червеньявы а также и синявы плямы. По тых признаках познаеме, же свиня ест хвора найчастійше на рожыцю.

Рожыця выряджат нашим газдам барз великы шкоды. Але на тоту хвороту ест певне средство, а тым ест суровиця противрожицова, котру застрікуея под скору хворой свині и звычайно потом свиня выздоравлие. Выздоровлюе все, если свиня недавно захворіла, бо если хворота тырват уж долго — то нич дивного, же в таком случаю и суровиця не поможе.

Суровиця така не лем лічыт нездоровы свині, але предохранят и то цілком певно пред том хворотом здоровы штуки. — Длятого то, як появитися у одной свині рожыця, належыт хворым штукам застрікнути большу порцию суровици, а здоровым меншу и таким способом забезпечити здоровы штуки пред хворотом.

Легко обчыслити, килько застрікнути суровици каждой штуці, бо на каждой фляшечц зо суровицьом ест написаный перепис.

Не треба забывати о том, же суровиця за

беспечат свиню пред хворотом лем на 4 неділі и по 4 неділях свиня може зас захворити.

Наука нашла и на того раду а именно:

Покля не минут ишы 4 неділі от застріку суровицьом, щепитя тоты штуку, котры не хворыли ишы раз, але уж не самом суровицьом але также живыма бактериями рождыцьо-выма. Такы бактерии сут тоты самы, котры выкликують хвороту, але их натура ест така, же тоты бактерии застрікнены разом зо суровицьом под скору здоровому пацятю не лем не выкликують хвороты, але наоборот предохраняють звіря пред том хворотом на певно на 6 місяцев до 1 року.

През тот час властитель мае спокойну голову и не боится о свою череду, хоцьбы докола свиріпствовала рождыця.

Найліпше отже щепити вшыткы свині здоровы два разы — раз самом суровицьом, а другый раз до 4 неділь суровицьом и бактериями, бо втотчас вшыткы свині будут здоровы. Кошт щепленя ест невеликий, бо доза суровиці для хворой штуки о вазі 100 kg (20—50 cm³) коштує 1·20—3·10 зл., а доза суровиці для штуки здоровой 10 cm³ коштує 60 гр.

При щепленю належит уважати, штобы шприца была откажена и чыста.

Кто може щепити

Проф. Буйвид твердит, же щепити самом суровицьом не ест трудно, и же того може зробити собі каждый у себе сам.

Щепленя свиней суровицьом и бактериями мае выконати лікар ветеринарийный, бо так наказує закон.

ДО ЛЕМКОВ!

Як иншы люде, так и мы Лемкы ради співаме — не лем в церкві — але и дома, на полю, на вечерках, на весілях и иншых оказиях. — Але не того важне не спивае — лем того, же мы співаме по лемковскы, свои пісні, што сой люде сами уложили. Ктоси вы-

мыслил, другый повторил инший запам'ятав, и так співанка пишла медже народ. — Такы співанкы сут барз важны для нас, бо в них ест выповіджена и біда, радост и юмор, и мудрост народна. Коротко але выразно. — Мы хочеме зобрати — тоты співанкы и напечатати в одной книжці, жебы они не загыбали — лем жебы нашы діти и внукуы их даколи тыж співали — або читали.

Тоты пісні припомнут им — же их ліды и праіды были Лемкы руснакы — а жадны фальшывы „истории“, и яничарскы книжкы — их не зведут на иншу віру — ани им душ не скривят.

Кажду пісню радо приймеме. — Кто який папер ма под руком най запише хоць и оловцьом — лем жебы было выразно, и най пришло до редакци „Лемко“ Крыниця. — Кто пришло найцікавшы співанкы достане нагороду.

Так уважайте хлопці и дівчата — и вы старшы што ради співате, запиште каждую співанку але лем лемковскы, просты, сельскы иншых мы не хцеме лем свои. — Аджек до праці — брата Лемкы! Мы покажеме вшыткым — же зме тыж не бараны не темнякы, и зацофаны, лем же мы люде як и иншы — свою бесіду маме, свои пісні — и свой розум — же сой даме раду без украины — як и до того часу зме сой дали!

РЕДАКЦИЯ.

ВЕСНА.

Чути уж весны,
Повітря тепле вовіває.
Птиця до нас повертає
На голос небесный.

Снігы поволи уступають
А родны нашы горы
Глухы и пусты боры
Нам уж ся кланяють.



Спорт — не кождий розуміє — Вы наприклад — думаете што то папіроска „Спорт“ — себто дзигаро — по вашему — або „ков-боу“ „коровячий хлопець“ значит це, — або коровяча папіроска.

Мабудь редактор коровячої газети — курить „ков-бої“. Але це вспомнув я мимоїздом — бо розходиться мені головно о спорт. Певно што ви хлопи — такої дурничкі не чіпаєтесь. Спорт це здебільшка паньська річ — це заняття а властиво забиття часу для — школярів, студентів, та иншых безробітних — а сілянин — себто сільська людина має досить, роботи — што и на іншу не ма часу...

Спорти є ріжні — водяні, и не водяні, воздушні, мячеві, лещетарські — самоїдські (самохідні), роверові — кулачні — ріжних вагів, як когутячой, котячой, коровячой та иншых. Іноді двох людей бьются — таки на правду

в загородці — а тисячи дурних дивиться на це — ще й не за дурно а гроши за це заплатили. — Ці борці — прозивають ся боксери. — Они бьются так довго поки — оден дррого не звалить на землю. А видці тоді бють браво — мов божевільні. — Це називає ся спорт. Той що виграв — дістає всі гроші — які люди дали. У вас на селі — як бьются — то також носи собі розбивають, кости ломають — але потім не то що ні гроша за то не дістанут — а ще вандрують до арешту. Бо то ни спорт а розбій и авантура. І шо ви на це парафіяне? Змагання спортовці, вироблюють в людині міцну волю бадьорість, та енергію то шо. — Але не тільки це, але спорт поправляє и уже. Кажуть шо горбатого оферму ані могила не випростує... — Давно так було — а тепер світ інакший, пане добродію. Тому люді переконались шо спорт це є спорт. — А спорт це рішучість, відвага, децізія розумієти. Не так давно нашы спортовці (шо іно тамтого року) вже точно не скажу чи лещетарі, чи колесарі чи инші батярі — пішли в ночі на цвинтар — (ви тільки подумайте на цвинтарі в ночі) и мов собакі відгребали похоронених москалів вже мертвих и порозкедували на чотири вітри. — Подивіть ся яка відвага в них. — В ночі, тай ще змерцями діло! Жах! іще раз жах! Ані я не сподівався від наших спортовців шось подібного. Я знаю шо з вас би ніхто того не вшкварив. Тут треба бути спортовцем, — а передовсім українцем. Може не вірите — а це є факт! стояло в газетах.

А стало ся це в Делятині або в Бурштині, вже не памятаю як слід. І дивно шо живих они би ся напевно бояли — як бы так де наманувся поліцай або кацап всі бы тікали як зайці. — Но але це — живі люди — а труп ще страшніший — вы до него балакаєте а він нічо, вы его на другій бік — а він ані мру, мру... Жах! У нас на Україні спорт розвиває


Радуются діточкы и стары
Бо уж остра минула зима
Всяди весело и смутку нема
А уж найбільше тішатся школяры.

Вкоротці наша молодеж
А переважно дівчата
Будут вдягати біленкы оплічата
А хлопці змечут тяжку одеж.

Весна кріпит и людей духа
А сонце своим жаром
Честує всіх равным даром,
Оживляє звіря и муха.

Гей! Молодежи!
До правди сонця
Сміло и жваво без конца
З охотом и житьом побіжи!

Яруга.



Малпа и прозерало.

Нашла малпа прозерало
(И малпі ся раз удало)
А была брыд и машкара
Хоць и не барз ишы стара

Покрутила ним в гигалях
Обернула го нарубы
Обнюхала обмацала
Спробувала взяти в зубы.

И уж го шмарити мала
Бо ся ей доцяп знудило
Але зыркала нехотячы
И взріла в нем своє рыло

Здивилася: „Што за пика“
Пыск шырокий, клапты руды,
Уха брыдкы, як у дика
Хыбаль брыдшой ніт наскуды.

Дораз кличе на сусідку
„Оле, смотте кумо на то!
Взріте таку малпу брыдку
Як вы кумо, дайме нато“

ся дуже гарно. Наши змогуни вправді не були на Олімпіяді в Льюс-Анджелес — а то для того шо раз трошкі за далеко і грошей в нас богато не має. (Всі гадячі фонди Сільского Господаря. Масло Союза — та енших наших картелів пішли на пропаганди межи Лемків), а по друге ніхто нас не запросив. Хоча нашы люді, не раз там влізут, куди їх не просили — але там не пішли чогось. Не боялися але трошкі мали страх. Ну шож — пропало але як писав американський часопис — Юкрейніан-Дейлі шо предсідник Олімпіяди — не запросил тільки для того бо незнав шо Українці є на світі — от доперва японські змагуни — поінформували го — шо одной нації не має тут. Пошкробался в потылицю містер Брави — цеб то предсідник и сказав: Пропало! и на тім скінчилося.

Нічого, ми и так спортовцями єсьмо и будемо!

Одно тільки в нас недомаганя. — Богато спортових термінів нам бракує. У нас є часів чимало, але не дасть ся так ни пришити ни прилатати — треба вживати таких термінів шо би був сенс.

Відомо шо спорт ми переняли від англійців — та иншых культурних народів — отте и слова які означають чи то спортове знаряддя, чи спортові руханкі — треба було від них приймати. — Але декотрі з цих слів — такі шо наш спортовец з трудом або и совсім не виговорит для того ми собі самі потрібні, слова препаруємо а дуже добре виходит. Спочатку оно трошкі гупо виглядає — и спортовці сами посьміхають ся. Але потому як ліпшого не видумают — то и то добре. — Лепши ридз як ніц — казав Славний бігун Нурмій — и правду казав. У нас не було давніше спортив — ані в середних віках ані в новших часах. Нашы казакі — не занимали ся спортами, хіба шо їздили верхом, кідали пикою, та плавали на якаках чи каяках — по Дністри, —

А кума ей на то рече:
Вы сте кумо дурнуваты
Вы сте сами в прозералі
То ваш цортрет, мате знати

Як мі не повірите
То звідайтеся теляте
Напевно вам правду повіст
Же то вы так выглядате.

И в світі сут такы люде
И дуже их в нашом краю
Што лем чужы видят блуды
До своих ся не признают.

Так як нашы Яничаре
Украинці з под „Бескида“
Не подобатся им Лемко
И наша русска бесіда. —

А бесіда наша добра
Давна, бо тисячелітна
Не така — як их штучна
И фабрычна и тандытна

Бо в их мові кус слов русских
И тых лем сто и пят взяли
Решта — молдавскы, кус монгольскы
И кус „вчени“ выдумали.

Як бы так встал з гробу Тарас
И зачал чытати „Діло“
На Камчатку втюк бы зараз
Же аж бы ся закурило

Сват.

ШТО ЧУТИ В СВІТІ.

Тырява сольна. Перед килькома днями розойшла ся по нашом селі вість — што на приходство — до нашого „Втця Пароха“ — приіхали „якісь панове“ — будут людам пояснювати и вчыти где што з агрономии и робити якісь записы.

Думаю собі — нехай там говорит — кто хоче — але штоси почути и навчыти ся по жыточного и доброго з агрономии — то всегда полезна річ — ану пойду и почую.

Входжу на салю — на салі не богато люде — самых мужчын бо решта пришла аж по отбывающей ся на тот час пробі хорального церковного співу. — Ест меже нима и О. парох — а по салі ходит собі, як по корчмі — вымахуючы палицею — „пан індзіньер“,

як его представил О. парох — выкрикуе, „если кто не хоче — хай не йде — хай не слухас. Як двери отвералися (бо певно хотіл ктоси заглянути — ци ест уже богато люде на салі) то словами „війдіте до Царства небесного“ запрашал з кпинками на салю. Тое чуе О. парох и позваляе на такы несмачны жарты и кпинки — зо святых для нас всіх слов, котры першый высказал сам наш Божественный Спаситель Исус Христос. — Начал на ко-нец лекцию. Говорил о садах, пчолах, о „Сільськім Господарю“ — о салаті — шпарагах, та и курах.

Подчас лекци пригадав собі, на лишену ним на пецу в салі лямпку електричну — и крикнул „щобы мені там кто мою лямпку електричну не вкрал — бо мені в том році по селах вже аж три пропали. Думаю собі што то за лямпку той „пан індзіньер“ собі купуе — што му так одну по другой крадут, и яким правом робит он з нас злодіев, аж ту подае ему ктось лямпку — та пожаль ся Боже — стару як свіг помяту — яку — на дорозі лежашу — никтобы и ногою не копнул, а даже выбачте за слово — и пес бы ся на ней по своєму не подписал — а може заховуе ю „п. індзіньер“ яко цікавый оказ для Украинского Музея — где може незадолго сховают и „Сільского Господаря“ разом з панами індзінерами.

Вымахуючы дальше палицею под носом — певно длятого — штобы ему кто „врокы“ не дал з салаты и з курок — зліз на бабы, и дивлячыся цо салі сказав: „шкода — цо бабів ту нема“. — Ага — думаю е собі — видно, што ему ся „бабів“ захтіло. Забрало певно во Львові у Сільского Господаря — „бабів“, та порозіджали ся паны по селах — а той, гонячы за ними — попав аж в нашу Тыряву Сольну.

Раптом з агрономии вліз на политику — назвал наше село непросвіщеным — забытым Богом и людами — без належитой организаци и освіти — потішал — што о нас не забуде, заохочувал до вписованя ся до „Сільського Господаря“ — и што он сам оснуе у нас тоє Товариство „Сільского Господаря“ — а в кінці назвал наших батьків дичками и мамутами.

Но тут скончыло ся пановане „п. індзінера“ на салі — бо того было вже за богато; повстало сильне обурене и сейчас выступил прислухуючыся той „лекци з агрономии“

наш доблестный и извістный з енергии патриот и председатель нашего Народного Дому и Читальні Общ. им. М. Качковского — господин Іоан Тылька и попросившы о слово — дал сильный а належный отпор обыджающему.

Господин Тылька сказав, што село ест вже сильно и належыто зоганизоване — хотяй — як думае „п. індзінер“, ест забыте и Богом и людами — то не потребуе их опкы, а вже найменше оцікы „Сільского Господаря“ — цо тоє село має вже свою чытальню — а як ему буде потреба какой помочы — то Слава Богу — має свои власны организаци русскы. Звернувся потом до О. пароха з увагою — цобы больше без згоды и відомости містцевых селян — не спроваджував жадных агитаторов — котры ображают только святы чувства и честь руского народа — и жажадал енергично опушення салі. — Сейчас по председателю попросил о слово господин Спиридон Лішнянский и при помочы поставленых пытань „п. індзінерови“ выказал людам, же „пан індзінер“ не має понятя о садоводстві и пришол видно на село штобы туманити люде Видячы грозну позицию селян „п. індзінер“ почал отрещуватися от украинства и повів, што он ест такый Русин, як и мы всі, але коли и того не помогло опустил салю разом з „пан отцьом“ а зобраны люде по отспіваню гимна: Пора, пора — розышлися по домах.

Тилько пишут нам нашы братя з Тырявы сольной. От себе редакция додае, што еслибы так кажде наше село поступило з непрошенными просвітителями — „агрономами“ то незадолго пересталибы они іздити до нас и туманити люде. Пересталибы шырити в наших селах незгду. — што ощадило бы нашим людам непотребного марнованя сил на споры.

Горлицы. В селі Ропиця руска ест еден панок што са зове Ваньо. Он пише всяку брехню до украинського Бескида и подписуе ся Яцко Кропило. Отже слухай Ваню — можеш собі писати што хочеш аж и до циганской газеты лем бойся Бога не бреш и не пиш циганства, и не вышкирай зубыска, бо мало их маш але и тоты ти звымітуют, а кед пишеш то ся подписуй Ваньо Циган.

И не удавай же ты в Потружном бо ты Ваньо в Ропиці русской, видно же маш нечыстє сумліня и брешеш як псиско бо як ні то бисся не скрывал жес з другого села и жес Яцко бо ты Ваньо был и Ваньом будеш.

Здаеся тобі Ваню же дуже знаш, але не знаш одной великой мудрости же „не треба Ваню ити на сонце як маш масло на голові“ та собі того добре запамятай.

И не выписуй брехню и клевету на горлицкий кооператив, бо ты Ваню был директором в єдном кооперативі але не барз долго, бос не мог вырахуватися з людских пінязей та ты вышмарили і лем з милосердя не отдали до криминалу.

И най ты голова не болит Ваню о горлицкий кооператив ани о сяноцкий Бескид и не бреш же з Америки прислали грошы на тот кооператив и не бреш же платили пенсии, бо тобі Ваню не лем же платили але ищыс сам покрал. Видно же маш смолу на пальцях.

Пишеш Ваню же ты жаль того склепу, але ты знаш добре чом он муслі быти розвзаный бо всі украинці а головно их попы котры в церквах голосят любов християнску николи в своим християнском склепі не купували лем до жидов ходили и народ нагваряли жебы в русской кооперативі не купувал. Бо они признают науку Христову лем на словах але на ділах то инакше поступают — лем кобы Украина — то уж добрі.

А газеты украинскы Ваню ты читал и памяташ килько то повітовых кооперативных союзов розокрали украинскы директоры і памяташ може о „Спилці украинских агрономів“ во Львові. А ты не знаш Ваню як то украинци розокрали касу Надежда в Крыниці и як привели ю до упадку. А чом то ты Ваню не пишеш як то тамтого року посходилися до Горлиц вшыткы украинскы егомосьове з коцільниками до пана Романа і робили велику анкету і хотіли закладати украинский банк в Горлицях. Егомосьове обіщували дати грошы з церковных кас до того банку але не згодилися на того хлопы і казали егомосцям, жебы свои власны грошы давали до укр. банку. И ты Ваню там был и нич о том в газетах не пишеш, а о наших нарадах над осно-

тай тилькі того — а чумаки рибилы висцьігі биками але це также не спорт. Спорт зачав розвиватися тоіно за часів атамана Махна — і то спеціально біг на прелай — бо тоді тра

було добре тікати. Шо до бігів пар форс то ми підчас війни здобули килька рекордів — бо тікати то ми уміли як елід.

Поважання Луць-Луць.

А ПО ПІД ГОРОЮ, ДОЛОВ ДОЛИНОЮ КОЗАКИ ИДУТ



По переду „Коровячий“
Веде свою банду
Тай на пропаганду

Необачный.

В середині „Бородатый“
Хоц зна, же в нас біда
А пхат нам Бескида“

Дурноватый.

А позаду „Нова Зоря“
Шо взяла в редакцию
Католицьку акцию

З консисторья.

Ей верныйся „Коровячний“
Чом ты пхаеш пику
В нашу політику

Необачный.

ваном банку пишеш мимо сего, што ты из тых совішаний вышмарилі.

Але же украинскы попы в украинскы банки не вірят та пінязей не дали а церковных тоже не будут могли дати бо рускый епископ буде им добрі на пальці смотрити — лем не знати што ся стало з тума гришми што хлоппы поскладали от себе може и тобі Ваню дашто из того до пальців приліло.

Пишеш Ваню же православны пообкрадали перкви але не пишеш же до украинскых музеєв украинскы панове разом з украинским попами повывозили старинны чашы, фелоны, церковны книги и то так нагло и секретно бо надіялися што рускый Епископ не позволит вывезти из Лемковщины церковных старинностей.

А кто першый зачал шыроти соблазнь, кто першый бесчестил народны святошы, кто, — як не украинскы священники.

Дерли з хлопа остатню скору на пребіжкы кто ліпше зодре, а котрый зо старших не мал сумліня так дерти то го на соборчыках ганьбили же за ту таньо бере-же им робит конкуренцію.

Гей Ваню — кто першый ганьбил святошы, кто ся торгувал з хлопом в церкві за олтаром і вымушувал на хлопі за слюб або похоронишы по пару долларов больше кто не мал ганьбы и встыду вказуватися з фраирками на spacerax (по Магурі).

Германия готовится до новой мировой войны. — Kurjer Warszawski приводит интересну бесіду, яку мал з німецькыма и совітскыма агентами в Мюнхен. Агенты німецькы открыто выповілися, же угоду заключену з Польщом уважают лем за передышку и-же тот час 10 літ употреблят на того, штобы приготовить до войны. Дальше повіли они, же Совіты не маюот причыны выповідати свого неудовольства по причыні заключеня през Германию угоды з Польщом, бо и так по 10 літах Германия буде така сильна, што буде диктувала свои условия цілой Европі. Тых 10 літ ужые она на того, штобы в Польщі укріпити себе экономично и зробити Польшу васальом германским, а по 10 літах так ци инакше мусит Германия граничыти з Росийом. Коли агенты совітскы отрекли, што совіты не хотят забрати никому и ничийой землі — повіли агенты германскы, же совіты в Росии также не вічны, а Росия з ориентацией на запад нас зрозуміє. Таки пляны робят днеска в Германии. Они стремятся до новой світовой войны. Недармо то военный Совіт Франції не послідньом своем засіданю признал, же Франция не може заключати и не заключыт николи угоды — котрабы ослабляла безопасность французских границ.

Англия и Франция заключают военный союз? „Дейли Мейль“ жадат, штобы Англия и Франция заключыли военный Союз. Газета тотя пише, же сама Англия ест неспособна до обороны, а положыня ест напряжене. — Англиканске общество жадат заключеня Союза з францийом, бо лем втотчас буде забезпеченый покой в Европі. В Лондоні бесідуют в звязи з тым, же німці не будут противитися заключеню такого Союза, бо они сподівают ся, же Англия и Франция позволят вооружатися дальше Німцям.

Соединены Штаты и Совіты хотят разом допровадити до угоды держав, штобы вшыткы выступили против напастникови.

Москва 14. марця. В политичных кругах выкликала велике заинтересоване долга конференция, яку отбыл вчера комисар Литвинов з амбасадором Америки Буллитом. Конференции той приписуюот велике значыня, бо на конференции мала быти обсуджена спільна оборона Росии и Америки перед напастником. Розважано на конференции также плян выступления под адресом других держав з предложеньом заключыня общесвітовой угоды, опертой на основі лондынской угоды о дефиниции напастника, котра то угода накладала бы обовязок на вшыткы державы выступити оружно зараз против напастникови. Таким способом Америка и Росия хотят ухоронити світ перед войном.

Як живут члены бывшой родины царской? — Перед недавным часом лондонскый суд признал княгині Юсупов высоке вынагородженя за обезчещыня през англиканскый фильм. Княгыня достала 25.000 фунтов штерлингов. Буде могла жыти спокойно до смерти, бо от часу, як выхала з Росии жытя их было тяжке. Он был занятый, яко тапицер, декоратор, она яко швачка — и буфетова в клубі.

А преці тоты люде належали до царской родины и мали великы богатства. З цілой царской родины жыє тепер ишы як правдивый князь лемоден князь Димитрий, котрый обертається в сферах аристокрациі англиканской. Великый князь Кирилл жыє во Франції. Велика княжна Мария жыє в Америці, де ей муж кн. Юрий ест декоратором одной фирмы. Кн. Василий продає перфумы. Кн. Павел ест офицером на кораблі. Дакотры поженилися богато в Америці и Англии и тым жыєся яко тако. Але много их жыє в Лондоні без средств до жытя, а сут и таки што жыют в нужді. Так то на світі вшытко міняється.

Килько ест на світі воды? Поверхня земельной кулі складатся як відомо з пространства водного, котре обыймат перешло 80% и сухой землі нецілых 20%. Поверхня океанов обыймат 361 миллионів километров kwadratowych. Тоты чысла не выстарчаюот однак для определеня количества находячойся в тых океанах воды. Штобы тото определити, мусит ся знати ишы глубину океанов. На основі поробленых поміров середня глубина воды в океанах выносит 4 километры, отже вшыткой воды в океанах находится 1370 миллионів километров кубичных.

Штобы собі представити хоц частично яка то маса, представляє тото на примірі. Еслибы вшытку воду зляту до одного канала о шырині 10 км. и глубині 1 км. то долгота его выносилабы 150 миллионів километров, отже так далеко як з землі на сонце.

Ческа прогулька в Ленинграді. — До Совітов приіхало 13 професоров и 43 студентов з Чех, котры звиділи фабрыкы, заклады и промышленны институции в Ленинграді, Москві, Харкові и других промышленных осередках.

Напали бандыты. — На газду зо Снітниці пов. Горлицкого, Софрона Крыницкого напало на дорозі меже Лосем и Билянком дня 27 лютого трьох вооруженых бандитов и постероризованю взяли му з кышені 40 злотых. По зробованю грошей отдалилися в направлении Ліщын.

Софрон Крыницкый замельдовал о том на постерунку полиции в Горлицях, котра однак до того часу, помимо энергичных поисков бандитов не поймала.

12 моряков совітских достало французскы ордеры. — В маю 1932 морякы корабля „Совітская Нефт“ уратували перешло 500 людей з корабля французского на котром повстал пожар. Тым морякам и капитанови поприпинано во французской амбасаді в Москві срибны и золоты ордеры. Ест то першый случай принятия через совітских граждан загранич ордеров.

Кырвавы розрухы в Новом Йорку. — Пят тысяч шоферов опанувало улицу Бродвей и почало нищити авта тых шоферов, котры не хотіли штрафувати. Завзята борба меже шоферами и полицийом продолжалася до вечера. Спроваджено полицийны подмогы з других міст. По долшой борбі вызначено конференцию у президента Русвелта для представителей промышленности автомобильной, котрой посчестилося полагодити той грозный конфликт.

Подписано Торговый договор меже Польщом и Финляндийом.

Меже Польщом а Чехами в остатних часах отношения попусулося. З Прагы доносят во французских газетах, же якобы был проект поділа Чехословакии, Чехослов. власти почали притіснят поляков, жыючых в Чехах, а польскы власти постановили выселити з Польщы 21 чехов.

Польша веде переговоры з Литвом, штобы навязати близшы сусідскы отношения.

Сянок. — Довідуємося з приятностию, што Подраста Сяноцкый старатся о того, штобы поднести господарскый уровень наших сел, а именно: В зимовых місяцях устроил по лемковских селах ряд курсов. Курсы тоты были посвячены переважно выкористаню в господарстві овечой волны и звірячых скор и населене наше повитало тоты курсы з радостию.

Тепер на весну начал он будову дорог громадских по лемковских селах, чым дає возможность заробку нашим людем так в грошах, як и в з'істных продуктах (мука, хліб, соль).

Акцию тоту, а особливо будову дорог витеме з правдивою вдячностию, яко доказ стараня и зрозумленя наших потреб через Польске Правительство.

Таксамо справу утвореня нового отділяного гр. кат. Епископства для Лемковщины повитано радостно через вшыткых вірных. Дивне ест однак тото же до того нового епископства не входит ряд сел полуднево-всходньої части повіта сяноцкого. Жытелі тых сел — як нам доносят наміряюот внести в той справі просьбу до Апост. Нунциятури в Варшаві.

СЬМІШНЕ

I. Выяенил:

Подорожний: Яка рижниця меже газетами „Лемко“, а газетом „Наш Лемко?“

Пастух з Долин: Бо то знате так, кто на правду наш, того пускаме до хыжы дораз а чужый, жебы ввойты до нас, повідат, же он „наш“. Так и ту: „Лемко“ — на правду наш и длятого не додає слова „наш“, а „Наш Лемко“ не наш, лем хтілбы до нас приступити и длятого крычыт здалека „наш“.

КРЫНИЧАНЕ!

Купуйте товары в кооператыві

„ПРОГРЕС“

в дому Фатулы

под стацийом желізнодорожном.

Складайте Ваши ошадности
в коммунальной
Касі Ошадности
в Крыниці.

Она дає полну гваранцию,
платит добрый процент —
и выплачат зараз выповіджены грошы.

Уділят она также
пожычок на невысокий процент.

Поміщайте оголошыня в газеті „Лемко“. Кто хце прислужытися нашой газеті нехай зберат оголошыня з міст и сел повітов Леско, Сянок, Кросно, Ясло, Горлиці и Новый Санч.